

**Deklarasaun Politika Bankada FRETILIN, liu husi Kamarada Secretariu Geral Dr. Mari Alkatiri  
iha debate generalidade ba Orsamentu Retifikativu tinan 2015 ne'ebe VI Governu  
Konstitusional apresenta ba Parlamentu Nasional iha loron (1/4/2015)**

***Husi Lian Parlamentar Fretilin iha Facebook***

Senhor Prezidenti.

Senhor Vice Prezidenti.

Senhor Primeiru Ministru,

Membro VI Governu konstitusional

Kolega Deputadus, Exelencias,

Governu ida ne'e, Governu ida moris iha klima de konsensus nasional, Governu ida moris iha inkluzoan social i inkluzoan politika, i hakarak duni aban bainrua bele produs duni inkluzoan ekonomika.

Importante tebes ita hare liña de atuasaun sira ne'e, Governu que moris iha klima konsesus nasional, moris ho vontade de inkluzoan politika social ekonomika.

Governu rasik foti nia hanesan Governu de continuidade, se ita hare ba liñas ne'ebe hanesan hau hatete ona, Bankada FRETILIN hanesan Partidu, hau hakarak hatete, bele nafatin ho continuidade mais tenki provoca ho evolusaun, continuidade sein evolusaun laiha progresu.

Tanba ne'e, ami nia perokupasaun se ita koalia konaba continuidade (maibe) la hanoin evolusaun, perokupasaun ne'e atu fo ba Governu, oportunidade atu hanoin fila fali saida mak ita bele halo iha tinan rua ho balun ne'e para atu hatudu momos liña de evolusaun iha continuidade.

Hau hare ba orsamentu retifikativu naturalmente ita la espera, iha orsamentu retifikativu ida ne'e atu hatun despezas intermus numerikus, mais hau hanoin katak dentru de pensamentu VI Governu konstitusional, ita tenki muda ita nia maneira de ver ( atu hare) ita nia abordazen ba ejekusaun orsamental, kuandu ita koalia deit ejekusaun 90%, maneira abordar ejekusaun i os rejultadus produzidus, "Lalika perokupa demais ho (ejekusaun) 90% ka 95%, se ita bele halo servisu diak liu ho rejultadu diak liu, ho osan ida kiik liu ne'e dalan ida que los ita atu adopta tanba hatun kedas orsamentu labele maibe ita bele muda iha qualidade ejekusaun, hau fiar katak Governu ida ne'e sei prioridade ba qualidade ejekusaun. Qualidade ejekusaun signifika, laos atu perokupa atu gasta osan iha orsamentu mais perokupa aumenta kapasidade para atu produs rejultadu ida que diak ba desenvolvimentu social ekonomoku iha ita nia rain.

Lalika perokupa demais 2014 (ejekuta) 91% iha 2015 tenkiser 99%, (maibe) perokupa 2014 (ejekusaun) 91% saida mak ita halo? Tinan 2015 (ejekusaun) bele 80% maibe importante mak saida mak ita bele halo ho 80% ne'e.

Ne'e signifika mudansa de postura que ita tenki hahu atu kurizi desperpansia barak iha servisu publikus, ohin koalia mos PDIP no PDS, chas delivery ba iha baze nia rejultadu saida ita tenki hare momos.

Ohin koalia mos, komu vitoria boot ida subsidio ba veteranus, rekuñesementu veteranu nia direitu ne'e sagradu mais ita tenki hare lolos funsaun veteranus sira nian, sira iha direitu mais sira sei iha nafatin deveres ka laiha? Ne'e mak importante.

Fundus espesiais que ita iha, naturalmente fleksebliza diak liu, ita nia kapasidade de ejekusaun de orsamentu, mais hau koalia ba fundu de capital umanu ita tenki halo politika ida, desenvolvimentu de capital umanu para atu servi diak liu nesidade de ejekusaun do programa, saida mak hau hare dala barak ita halo formasaun ba ita nia Timor oan sira i depois sira buka servisu laiha ba sira, ne'e laos desenvolvimentu de capital umanu, ne'e bele signifika mos do um capital frustação, wainhira ita fo formasaun ba sira haruka ba rai seluk, fila fali mai formadu servisu laiha ba sira tanba saida? Tanba ministeriu ida idak ho nia prioridade ba formasaun, hau fo ezemplu ida deit, area petroliu ita fo formasaun ema barbarak sira halo saida agora? sira servisu iha ne'ebe? Ita tenki kanaliza didiak, ita tenki hatene mos katak desenvolvimentu rai ida, la depende deit ba (strata) SI, SII ou SIII (maibe) depende liu ba kuadrus tekniku formasaun vokasional, formasaun profesional, hau husu ba VI Governu para muda

postura ida ne'e, la bele kontinuidade ne'e signifika kontinua prosesu anterior tenki iha evolusaun tenki iha mudansa.

Hau fiar tanba Governu ne'e moris iha klima de consensus nasional, Governu ne'e moris iha tenpu ida de estabilidade i paz, Governu ida ne'e moris ho mekanismu de kontrolu sosial bo'ot liu, tantu iha kondisoens tomak para atu inisia reforma administrativa, reforma iha area ekonomika.

Ohin, Senhor Primeiru Ministru dehan katak, seitor ida ne'ebe mak iha kbi'it liu para atu halao dezvoltimentu mak seitor privadu, maibe ita hotu hatene katak seitor privadu sei depende ba investimentu publiku, signifika saida? Ita tenki iha kapasidade transformasaun, forma de atuasaun ba seitor privadu, para seitor privadu mos bele ariska halo investimentu iha ita nia rain, ita tenki halo formasun nese sentidu .

Ita dadus importante, redukasaun kazu malaria no mortalidade infantil ne'e objetivamente los duni! Ne'e mai husi faktorens oin-oin, maibe ita mos tenki rekuñese ita nia sistema atendentu saude menus ba bebeik, ne'e VI Governu tenki fo prioridade para korize sistema de saude, ne'e fundamental, ita nia sistema de edukasaun lao la hatene lolos Norte iha ne'ebe Sul iha ne'ebe!!!! tenki definé didiak kurikulu, la bele ita halo konfuzun atu nesedidade de malsifikasaun da edukasaun ka outra nesedidade de que uma edukasaun de qualidade, la bele eskola hotu-hotu iha Timor Leste atu hetan nivel hanesan, mais iha joven ho talentu iha fatin hotu-hotu, halo nusa ita bele identifika joven sira, labarik sira ho talentu iha fatin hotu-hotu, para bele kanaliza sira ba eskola sira ne'ebe sira rasik merese tanba sira nia talentu, mais hau fiar VI Governu sei halo ida ne'e, hau fiar VI Governu definé didiak prioridade dezvoltimentu ekonomiku, ita dehan katak ita nia baze de ekonomia mak agrikultura, maibe sa agrikultura mak ita atu kaer para bele sai duni baze de ekonomia i halo nusa mak ita atu halo agrikultura ne'e hanesan fatin ida importante teb-tebes atu kria empregu.

Hau hakarak dehan deit katak kresimentu ekonomiku, los duni akontese iha tinan hirak ne'e, mais kresimentu ekonomiku nia baze ba konsumu deit, kresimentu ekonomiku ida que nia baze iha konsumu sei la sustentavel, liu-liu ita aumenta konsumu husi fontes ida que naun renofaves, ne'e sei la sustentavel.

Wainhira ita dehan atu diversifika ita nia ekonomia, importante pensamentu ida que los, mais halo nusa mak ita atu diversifika ekonomia ne'e, hahu husi ne'ebe? Ita dehan atu investe iha agrikultura (sa agrikultura mak atu investe) iha programa Governu ninian, tanba definé hanesan Governu kontinuidade la bele sai oin seluk, hau komprende laos tinan rua ho balun mak ita atu halo buat hotu-hotu, programa Governu ninian ita rasik hare katak kontinuidade entre ben definida, a poucas mundaças maibe ne'e komprensivu.

Agora iha ejekusaun orsamentu 2015, liu ona fulan tolu falta fulan sia atu ejekuta orsamentu ida ne'e, tantu hau husu ba VI Governu liliu Senhor Primeiru Ministru, Ministru Kordenador sira para atu definé didiak liña de atuasaun maibe ita la bele haluha katak tinan rua ka tolu falta ne'e, ita sei infrenta eleisoens, sei iha duni eleisoens Suku, sei iha duni eleisoens municipais no eleisoens presidenciais i legislativas, ne'e momentu importante para atu reforsa estabilidade nasional, atu reforsa estadu de direitu demokratiku hau fiar katak eleisoens sira ne'e atu lao ho diak ita tenki kapasita diak liutan tan, instituisoens administrasaun eleitorais ho kadru legal ida adekua, hau husu ba VI Governu fo prioridade ba buat ida ne'e! kadru legal para prosesu eleitoral todus nivel, para ita bele hasoru eleisoens atu mai 2015, 2016 no 2017 ho diak.

Buat seluk hau laiha ona atu hatete, ne'e Governu ida que jere tina rua ho balun, reforma que importante liliu atu fo orientasaun jeral para atu muda mentalidade iha ita nia rain, ohin loron ita iha funsaun publiku bo'ot teb-tebes, ita asvezes buka sira la hetan, laos deit problema de kapasidade maibe problema iha sistema, check in balance iha sistema nia laran importante ita atu halo buat sira ne'e.

Primeiru Ministru, Exelensia, Bankada FRETILIN sente kontenti ho formasun Governu ida ne'e, tanba ne'e sente mos obrigasaun atu kontinua fo nia kontribuisaun para Governu ida ne'e bele kumpri duni nia funsaun.

Hamutuk Ita Bele!!!!!!!!!!!!